

湘綺樓全書

湘綺樓全書

敘曰莊子之書古今以爲道家之言襍篇有
敘論其意列於老子之後蓋其徒傳之云寓
言者周之自敘也其所稱孔子老子曾子揚
子又多稱顏回或曰莊子受學於田子方子
方爲子夏之門人莊子眞孔氏之徒哉孔子
問禮于老子老之書先道後禮而老爲道宗
孔定六藝儒者習焉推孔爲儒宗孟荀傳禮
莊子同時未數數然也禮之敝于周末甚矣

諸侯去其眞存其文故孔子始定禮經而老子推其原皆知其將亡云禮果大亡於秦而漢興佐命將相及孝文景皆用老治老子之書五千言孔子之書傳者孝經論語皆空言自是徒眾益務於論道矣道與儒爲二而空虛沖靜專道之名幾二千年而儒者號爲迂緩飾重多拘而少成抱缺守殘惟名物象數之是求與莊子絕殊故強附之道家而以訓

故先師爲儒宗終漢世儒學大明矣夫人心
無所役則不能發其材知以自表于世故晉
尙元虛老莊興焉五胡爲亂南北剖判南近
道北近儒及其合於唐而前代師說舛互儒
者方樂討其籍則儒學又起其間頗演西域
浮屠之說以莊子文之恣肆洸漾作諸經論
莊佛爲一老專丹訣然俱別於儒也及圓紇
契丹之亂浸淫縣至五代儒生死亡師法久

微趙氏承波上下懵然華山道人歸然老師
而文人又習讀梁唐佛經沈溺其言以爲聖
人皆宜有祕道心傳不但推制度儀文訓故
淺近之云恥孔子之精曾不及釋迦牟尼則
性理興焉號爲道學名老而迹儒口孔而心
佛又爲區別於有無之間而仍以無極未發
爲道之精則道士之言也尋孔顏之樂則參
悟之說也又或有竊見耶穌之書作大和篇

儒生與僧道同流混然沈浮而三聖人之書
之道悉汨而亡而不知其原豈不悲哉余嘗
畧聞師友之言間見二氏之書知佛經附會
之由道學紕繆之原論道不可以爲治知道
不足以盡睚於周官見周公之行事於春秋
見孔子之行事於僧律見世尊之行事凡聖
人之行事取爲愚賤正性命而已若性與天
道不可得聞莊子之合孔老道同也趙宋之

合孔佛論近也以莊合佛晉唐之過也以佛
誣孔宋明之蔽也以佛誣佛文士之妄也故
必先明佛之不言性而性理始緇矣先明聖
之不傳道而道統自廢矣先明莊子之不外
死生而佛經乃妄矣注莊子者隨唐所列卅
一家鄭樵增十人家今四庫著錄僅郭象一
家釋文引文句崔謨最善余從崔本注其內
篇七篇凡二萬幾千言大抵推明論道之所

爲以明古聖之不空言空言自老子始孔子
學於老子莊子從而通之由其空言知其實
用而儒家之流尤不宜以佛經附會之文談
心性以尊瞽人使堯孔與達摩同功也同治
八年春二月庚午王闔運敘

人乎將二日與平王閱戰餘
心對以尊卑人動裝其與
戰策同以此圖而
用而需來之氣大不宜以
時發州會之
舉外志千振千而蘇之由
其空言賦其
錄以明古聖之不空言
空言自涉千故其千

逍遙游第一

內篇上

莊子一

王氏注

逍遙游者言識道也夫大化無朕含生有
智智則七情之所由情則至道之所蔽苟
不能冥歸草木頑比金石抑其智而將決
任其情而必爭爭則害物者少而害己者
弘矣夫伏尸於蝸角不自知其國之微也
結昏於蠡睫不自知其巢之危也有大人

焉出天地而觀接日月而照知所託之眇
然哂欣戚之無謂則君相本非我貴寇戎
本非我讎寄身百年之間客養一漚之內
由識見道而識還爲寶矣且萬物相役以
智爲用大小有等鑒遠者希非廣人靈無
因見斥然則絕聖棄智非有本之談下學
上達乃天知之詣傳曰仁者安仁知者利
仁消搖游之義也

北溟有魚其名爲鯢

國語魚禁鯢鯢魚子字當作昆說文鯢魚在

鯢鯢之間非大魚也此以大魚假魚子之名以齊小大

鯢之大不知其

幾千里也化而爲鳥其名爲鵬

鵬古文鳳字百鳥之長故

以名鵬之背不知其幾千里也

專言背者鳥頸尾多長於

背怒而飛其翼若垂天之雲是鳥也海運則

將徙於南溟

海運今颶風也非大風不能行

南溟者天池也

北溟高而南溟下故專以南爲池

齊諧者

齊諧人名

志怪者也諧

之言曰鵬之徙於南溟也水擊三千里搏扶

搖而上者九萬里去以六月息者也

地球九萬里六

月而長短至則

野馬也塵埃也

舊以野馬爲日中塵影未

息不前行矣詳所自今案野馬也當作野馬之言野馬馳而起塵物息吹而起氣皆出無心如鵬之海

運也以至微

生物之以息相吹也天之蒼蒼

其正色邪其遠而無所至極邪其視下也亦

若是則已矣

言從下視天天若無物假能從天視下復有何世也人之蔽者

見不大也

且夫水之積也不厚則負大舟也無力

覆杯水於坳堂之上則丰爲之舟置杯焉則

膠水淺而舟大也風之積也不厚則其負大

翼也無力故九萬里則風斯在下矣上爲輕氣自然

能高如風之負之也而後乃今培風培負也背負青天而

莫之夭闕者言不假己力直上負天而下乘氣自然運行耳而後乃

今將圖南乘空者必假指南鍼唯辯方須已圖之餘不待人力也喻道不待求

而非智蜩與鷦鷯笑之韓鷽山鵲鳩鵲也鷽或作鷽卑居也

曰我決起而飛搶榆枋今作枋誤時則不至則同

而控於地而已矣奚以之九萬里而南爲而南

文選注引

適莽蒼者

郊外也

三餐而反腹猶果

然適百里者宿舂糧適千里者三月聚糧

喻遠

見者須大智也

之二蟲又何知

夫人類巨兆而聞道無一彼與睨士同處

土中或當身之榮逸年命之長久猶乃過焉故彼不羨睨自然之情也

小知不

及大知小年不及大年奚以知其然也

申言何知

之意凡小不知大之所以然者由不相及故也

朝菌不知晦朔

朝讀為淖

淖地也

蟪蛄不知春秋此小年也楚之南

有冥靈者

莊子楚人故舉楚南冥靈猶蟪蛄以氣化者

以五百歲

爲春五百歲爲秋

舉千年大期言之

上古有大椿者

椿卽春也年爲春秋大春者大年也

以八千歲爲春八千歲爲

秋

舉四時倍之故曰八

而彭祖乃今以久特聞眾人匹

之

匹並也言久者舉彭祖爲比

不亦悲乎湯之問棘也是

已

簡文云湯廣大棘狹小也

窮髮之北有冥海者天池也

有魚焉其廣數千里未有知其修者其名爲

鯢有鳥焉其名爲鵬背若泰山翼若垂天之

雲搏扶搖羊角而上者九萬里絕雲氣負青